



De Freule speelt hoog spel

Een vrolijk Drents blijspel in drie bedrijven

Geschreven door

HARMA KIERS-KLUITENBERG

**TONEELUITGEVERIJ VINK B.V.
(Grimas Theatergrime verkoop)
Tel: 072 - 5 11 24 07
E-mail: info@toneeluitgeverijvink.nl
Website: www.toneeluitgeverijvink.nl**

VOORWAARDEN

Alle amateurverenigingen die het stuk: **DE FREULE SPEULT HOOG SPEL** gaan opvoeren, dienen in alle programmaboekjes, posters, advertenties en eventuele andere publicaties de volledige naam van de oorspronkelijke auteur: **HARMA KIERS-KLUITENBERG** te vermelden.

De naam van de auteur moet verschijnen op een aparte regel, waar geen andere naam wordt genoemd.

Direct daarop volgend de titel van het stuk.

De naam van de auteur mag niet minder groot zijn dan 50% van de lettergrootte van de titel.

U dient tevens te vermelden dat u deze opvoering mag geven met speciale toestemming van het I.B.V.A. Holland bv te Alkmaar.

Copyright: 2010 © Anco Entertainment bv - Toneeluitgeverij Vink bv

Internet: www.toneeluitgeverijvink.nl

E-mail: info@toneeluitgeverijvink.nl

Niets uit deze uitgave mag verveelvoudigd en/of openbaar gemaakt worden door middel van druk, fotokopie, verfilming, video opname, internet vertoning (youtube e.d.) of op welke andere wijze dan ook, zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Het is niet toegestaan de tekst te wijzigen en/of te bewerken zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Vergunning tot opvoering van dit toneelwerk moet worden aangevraagd bij het Auteursrechtenbureau **I.B.V.A. HOLLAND bv**

Postbus 363

1800 AJ Alkmaar

Telefoon 072 - 5112135

Website: www.ibva.nl

Email: info@ibva.nl

ING bank: 81356 – IBAN: NL08INGB0000081356 BIC: INGBNL2A

Geen enkele andere instantie dan het IBVA heeft de bevoegdheid genoemde rechten van u te claimen, of te innen.

Auteursrechten betekenen het honorarium (loon!) voor de auteur van wiens werk door u gebruik wordt gemaakt!

Auteursrechten moeten betaald worden voor elke voorstelling, dus ook voor try-outs, voorstellingen in/voor zorginstellingen, scholen e.d.

Vergunning tot opvoering:

1. Aankoop van minimaal **9** tekstboekjes bij de uitgever.
2. U vult het aanvraagformulier in op www.ibva.nl of u zendt de aanvraagkaart (tevens bewijs van aankoop), met uw gegevens, naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
3. U krijgt daarop de nota toegestuurd. Na betaling wordt u de vereiste vergunning toegestuurd.

Vergunning tot HER-opvoering(en):

1. U vult het aanvraagformulier in op www.ibva.nl of u zendt de aanvraagkaart met uw gegevens naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
2. U krijgt daarop de nota toegestuurd. Na betaling wordt u de vereiste vergunning toegestuurd.

Opvoeringen zonder vergunning zijn niet toegestaan en strafbaar op grond van de Auteurswet 1912. Zij worden gerechtelijk vervolgd, terwijl de geldende rechten met 100% worden verhoogd. Het tarief wordt met 20% verhoogd voor opvoeringen waarvoor geen toestemming werd aangevraagd binnen drie weken voorafgaand aan de voorstelling.

Het is verboden gebruik te maken van gekregen, geleende, gehuurde of van anderen dan de uitgever gekochte tekstboekjes.

**Rechten BELGIË: Toneelfonds JANSSENS, afd. Auteursrechten,
Te Boelaerlei 107 - 2140 Bght ANTWERPEN Telefoon (03)3.66.44.00.
Geen enkele andere instantie heeft de bevoegdheid genoemde rechten van u te claimen, of te innen.**

ROLVERDIELING:

Lammie Weesjes : vrolijk flapuit tiep

Mien Braam: boerin boozig tiep

Tinus Braam: boer

Lucas Braam: zeun van Mien en Tinus zachtaorig tiep

Freule van Stoetwegen: (gespeeld door Rika, zuster van Lammie)

Sjanie: kleetster van Freule (zuster van Mien)

Berend Onrust: plietsie agent

Greta Onrust: jaloerse echtgenote

Appie Klungel: klusjesman van het pension, dommig tiep

Het stuk dient vlot gespeeld te worden.

DECOR:

De entree van het pension is inricht as een gezellige hoeskaomer met een paar zitjes. Een balie met drukbel en tillefoon. (*balie rechts vanuit de zaal gezien; balie aan onderzijde ca 15 cm open laten zodat kijkers deels kunnen zien wat er achter gebeurt*)

Divan of sofa aan de linkerkant (*vanuit zaal gezien*)

Een ladenkastje.

Een plantentaofeltje met plant.

Schilderijtjes, klok enz.

EERSTE BERDRIEF

(Het is mörgen. De hoekaomer van pension "Roemzicht" is niet um an te zien. Alles stiet en hangt schots en schief. De laden bint oet het kastje haalt en de hiele vloer lig bezeid met pepieren. De stoelen ligt understeboven. Appie lig met een rooie buusdoek veur de mond vastgebunden an een stoel achter de balie

(Lammie op met tas of koffer)

LAMMIE: Joehoe, Rika ik bin er! *(gooit tas neer. Verschrikt met haand veur mond)* Heremientied, wat hef dit te betieken! Wat een bende! Moe'j toch ies kieken alle gerak ligdeur mekaander en understeboven. *(löp op en deel)* En de hiele kaomer lig bezeid met pepieren. Wat zul hier an de haand weden? Het is warkelijk bedroeft zo as het er hier oet zöt! *(foetert)* Wat mekeert oes Rika wal niet! Ik begriep er niks van. Zie wus duvels best da'k vandage zul kommen. *(heufdschuddend)* In al die jaoren da'k hier over de vloer kom hef het er nog niet zo roeg oet zien as vandage. *(zuchtend)* Ach, oes Rika is ok nooit zo'n poetser west en dat zal zie ok nooit wodden. *(tot zaol)* Zie hef as kiend van oes moe hiel wat foeters had as zie alles maor in het rond leut slinger'n en niks opruumde. Tja, as het er ienmaol inzit krie'j het er ok niet weer oet. *(tot zaol)* Jao, tenielspeulen zo tussen de schoefdeuren wee'j wal en op schoele kun zie as ien van de besten. Zie har dan ok geern naor de tenielschoel hen wilt maor oes vao en moe vunnen zuks maor niks. Met zukke malligheid kwam er volgens heur gien stoet op de plaank punt oet. *(kek in het rond)* Zo slim as non... nee zo slim he'k nog niet met maakt. *(zuchtend)* Het is mij wal weer wat mois! *(scharrelt foeterend wat pepier'n bij mekaar)* He'k einlijk vekaansie en dan ku'j geliek weer an het wark gaon. Wacht ies eebm, ik liek wal niet wies um alles achter dat wicht heur kont op te ruumen! *(gooit de pepier'n in de locht)* Ik zal oes Rika geliek op het mattie roepen, want dit vin'k gien wark van heur! *(tillefoon rinkelt. Verschrikt)* O,heremientied de tillefoon!*(döt deur lös en schriwt)* Rikaaaa tillefoo.. hoon.... *(Mien op)*

MIEN: *(minachtend tot Lammie)* Zo, bin ij d'r ok weer?

LAMMIE: Jao, het is weer vekaansie tied he.

MIEN: Huh, vekaansie, vekaansie! Wij hebt nooit vekaansie.

LAMMIE: Maor dat lig an jezölf.

MIEN: Met een boerderie ku'j niet met vekaansie.

LAMMIE: Ik zal niet weten waaromme niet. Ij huurt zo'n eh bedrijfs verzörger en dan gao'j vot.

MIEN: Ij hebt makkelk praoten. *(knipt met vingers)* Dat kost ok weer de neudige centen.

LAMMIE: Jao, dat moe'j d'r dan veur over hebben. *(tillefoonrinkelt)* Rikaaaa, tillefoo.. hoon!

MIEN: *(ofkeer)* Boetendes, hol ik niet van vrömd volk over de vloer. Toe anmaken!

LAMMIE: Wat anmaken?

MIEN: Non, heur ij die röttige tillefoon niet?

LAMMIE: Tuurlijk wal, maor ik kan maor zo niet de tillefoon annimmen. Zuks mut Rika zölf doen.

MIEN: *(oetdaogend)* En as Rika d'r niet is pak ij de tillefoon. Me dunkt dat is makkelk genug of duur ij smangs niet?

LAMMIE: *(twiefelt)* Dat eh wi'k niet zeggen maor...

MIEN: Aans duur ik wal!

LAMMIE: Wel is hier baos?

MIEN: Ikke niet, maor ij ok niet! *(wil tillefoon pakken maor Lammie is heur een slag veur)*

LAMMIE: *(onzeker)* Jao, hallo met Lammie Weesjes de zus van....

MIEN: *(minachtend)* Moe'j heuren, dat liekt toch nargens op.

LAMMIE: *(herstelt zuk)* Ik mien met eh... Pension Roemzicht! Jao, hallo ik verstao je niet zo goed.....

MIEN: *(foetert)* Huh... Pension Gien Gezicht zal hier beterop zien plaots weden. *(pakt een pepier op en leest)* Zo, een anmaoning van de belasting! Van de.... ontroerendgoed belasting nog wal! *(pakt aander pepier)* Goh, nog iene? Ak het goed bekiek bint het geleuf ik allemaol dezölfden. Dat zöt er niet al te best oet!

LAMMIE: Ien moment vrouw.. *(legt hoorn neer en grist heur de pepier oet haand)* Zuuk ij wat?

MIEN: *(verschrikt)* Ik wat zuken? Eh...nee. Ik gao kieken of Rika in de toen is. *(af)*

LAMMIE: Dat liekt mij ok beter. *(pakt hoorn)* Hallo, hallo met freule van Stoetwegen? Ij wilt geern weten of hier een kaomer vrij is? Daor kan ik gien jao of nee op zeggen. *(verbaosd)* Dat ik as eigenaorresse zuks oet mien kop mut weten? Jao, dat kan wal zo weden maor... dat bin'k agil niet. Ik miende eigenaorresse. Wat zee'n ij? Of er nog gasten bint en boeken? Gasten zie'k niet, maor boeken liggen hier genug. O, ij mient het gastenboek? Jao, ik zal votdaolijk kieken of e hier argens op de balie lig. *(rommelt tussen pepieren)* Waor zal verdikkemij dat dat gastenboek non liggen! *(giet over balie hangen en zöt Appie liggen en lat hoorn vallen)**(gillend)*

Hier lig gien gastenboek maor een keer! (*veurzichtig*) Appie?...
Appie Klungel bin ie dat?

APPIE: (*knikt*)

LAMMIE: (*maakt Appie lös*) Heremientied, wat laot ij mij schrikken!
Wat is dit non allemaol veur malligheid? Waorum lig ij daor
vastknupt an een stoel achter de balie?

APPIE: (*slikt zuk um mond*) Ien vraog toegeliek as...asteblijft.

LAMMIE: Lammie : Wat is hier in hiemelsnaom gebeurt?

APPIE: Ak... ak dat wus zul ik je dat votdaolijk vertellen.

LAMMIE: (*verbaosd*) Mien ij da'j zölf niet iens meer wit hoe ij
vastgebunden op een stoel achter de balie terecht bint kommen?

APPIE: (*heufdschuddend*) Persies. Zo is dat.

LAMMIE: (*kek Appie bezörgd an*) Of he'j smangs een black out had?

APPIE: (*dommig*) Wat is dat veur goed?

LAMMIE: (*bezörgd*) Wel wet he'j deur de val een harsenschudding
oplopen! Appie, ku'j ok zeggen wat veur dag het vandage is?

APPIE: (*knikt*) Dezölfde as gistern, allen ij waren d'r gistern niet en
vandage wal! Zo is dat.

LAMMIE: Dat is waor. En hoe het dit pension?

APPIE: Ik met pensioen? Ik prakkezeer d'r niet an!

LAMMIE: Nee, Appie ik zee pension, en gien pensioen!

APPIE: (*lacherig*) Gao'j met pensioe.. hoen, dan wark ie in de toen.
Niet veur de poe.. hoen, maor um lekker wat te doen.

LAMMIE: (*heufdschuddend*) Het is mij wal dudelijk. Ik wit wal hoe laot
of het is.

APPIE: (*eelsk*) O, jao? Hoe laot he'w het eigelijk op dag?

LAMMIE: (*kordaat*) Ik mien da'k wal wit wat je mekeert! Ie gaot
votdaolijk op de sofa liggen. (*grep Appie bij arm*)

APPIE: (*eelsk*) Ie'j ok?

LAMMIE: (*lacht*) Wat moet ik met je op de divan?

APPIE: Non eh... stief tegen mij an liggen.

LAMMIE: Appie, Appie het mut niet gekker wodden. Daor he'k
hielemaol gien tied veur! (*drukt Appie op sofa*)

APPIE: (*kniezend*) Zie hangen d'r aans mooi bij.

LAMMIE: Wat hangt er mooi bij? Waor he'j het in vredesnaom over?

APPIE: (*hakkelt*) Over die eh... ballen an de klok.

LAMMIE: (*lacht*) Dat bint gien ballen maor gewichten Appie! Wat ij
allemaol niet oetkraomt! Ai'j het mij vraogt heb ie een beste klap
van de meulen had. (*stek vinger in locht*) En deenk erum stil blieven
liggen! Dat is in je geval het beste medicien. (*stopt Appie toe met
deken*)

APPIE: (*kniezend*) Jao, zuster!

LAMMIE: Ik bin gien zuster, maor de zus van Rika!

APPIE: *(plaogend)* Jao, zus.. ter.

LAMMIE: *(gebiedend)* Ij moet je stil hollen en slaopen!

APPIE: *(wiezend)* Hie lig daor!

LAMMIE: *(verbaosd)* Wat lig daor?

APPIE: Non, dat eh.. gastendoek waor ij aal naor lig te zuken.

LAMMIE: Gastendoek? Ach, ij mient het gastenboek dat is waor ok.

Dat bin'k deur je hielemaal vergeten. Ach, dat meensk hef vanzölfs allaank ophangen. *(pakt hoorn)* Hallo, hallo freule van Stoepievegen hang ij nog argens an de liene? *(verschrikt)* Oh, jao nim mij niet kwaolijk freule van Stoete.. wegen. Wat hier allemaal gebeurt? O, dat wi'k zölf gien iens. Wat? Een gil? O, .. dat kan best weden. Het zit naomelijk zo d'r sprung opiens een kat achter de balie vot en daor bink barre van schrökken. *(blaodert in boek)* Ak het zo bekiek bint er wal kaomers vrij. En veur wanneer moe'k veur je een kaomer reserveren? *(verschrikt)* Veur vandage? Jao, netuurlijk freule van Stoetwegen, ik zal zörgen dat alles is örde is. Ij bint hier van harte welkom! *(legt hoorn neer)* *(met haand deur het haor)* Feilijk niet dus! Want hoe moe'k daor met an zunder oes Rika! *(Mien en Lucas op)* *(Appie trekt rap deken over zuk hen)*

MIEN: *(hijgt)* Rika is niet in de toene, niet in de schuur, en niet in hoes. Dus waor kan zie dan wal weden?

LUCAS: *(rustig)* Moe, doe ies een beettie gestaodig an. Het komp allemaal wal in örder.

LAMMIE: *(beduusd)* Wat.. eh..

MIEN: *(gramietig)* Dit is vast gien zuuvere kovvie wat ik je brom. *(overdreven)* Teminnen ai'j aal die anmaonings bekiekt!

LAMMIE: *(grel)* Ij bint zo brutaol west um in de pepieren van mien zus te neuzen.

MIEN: *(onschuldig)* Dat kwam eh.. toevallig zo oet.

LAMMIE: *(hellig)* Jao, dat kwam je toevallig mooi oet! Toen ik an het tillefoneren was zagen ie je kaans schoon. Boetendes gaot oeze zaaken je niks an. *(slat zuk op borst)* Zölfs ik wus agil niet dat ze van de eh... belasting waren.

MIEN: Van de ontroerendgoed belasting!

LAMMIE: *(körtot)* Wi'k dat ok geliek!

LUCAS: *(sussend)* Hol op te kribben met je beiden! Op dizze manier jaog ij mekaar aal wieder op onstuur. Maorre.. waor wij feilijk veur kommen is um te vertellen dat...

MIEN: Mien : *(valt in rede)* Oeze haon ok vot is!

Hie hef vanmörge niet kreit!

LAMMIE: *(kniezend)* Wel wet hef e zuk verslaopen...

LUCAS: (*lachend*) En de wekker niet heurt!

MIEN: (*kwaod*) Jao, steek de gek er maor met an stellingie snötneuzen da'j bint.

LAMMIE: Het was maor een grappie heur!

MIEN: (*tot Lammie*) Zukke grappies kunt mij op het ogenblik steulen wodden. En zal ik je ies wat vertellen.

LAMMIE: (*lachend*) Non, en dat is?

MIEN: (*overtugend*) Joen zus Rika is er met oeze haon vandeur!

LAMMIE: Ach, vrouw Braam laot mij toch niet lachen!

MIEN: (*bits*) Non, meduunkt dat he'j al genog daon!

LAMMIE: Wat mut Rika in vredesnaom met joen haon?

MIEN: (*grel*) As Rika eier bij oes komp halen zee zie altied: Vrouw Braam ij hebt de moiste haon van het hiele darp. Zie har dus een oogie op oeze haon.

LUCAS: (*zachhies tot Lammie*) En ik heb een oogie op je...

LAMMIE: Zuks mug ij toch wal zeggen! Moe'j ies goed luuster'n: Rika hef een oog veur of de biesten wal of niet goed in heur vel zit! Daor hef zie non ienmaol gevuul veur. Zie hef zuks in de vingers zeg maor.

MIEN: Kiek, daor he'j 't all!

LAMMIE: Maor dat wil niet zeggen dat zie joen haon steulen hef. Rika en ik kregen....

MIEN: (*valt in rede*) Dat zit er dik in.

LUCAS: (*tot Lammie*) Wat wo'j vertellen?

LAMMIE: (*dreumerig*) Wij kregen vrogger met paosen ies een maol een paor van die kleine donzige kukenties. Wij waren d'r wal zo bliede met. Zie stunnen in een grote deuze met kraanten veur de kachel. Oes Rika zag geliek dat ien van de twie feilijk under de rooie lamp mus. Maor oes va vun zuks niet neudig. Ij moet de netuur zien gang laoten gaon zee. Maor oes Rika zeurde mien vao de oren van de kop um zo'n rooie lamp. Op het lest is mien vao overstag gaon en hef iene koft.

LUCAS: (*belangstellend*) En hoe wieder?

MIEN: (*valt in rede*) Niks wieder. Wat kunnen mij die kukens van je non verschelen! Met aandere woorden wij zörgt niet goed veur oeze biesten!

LAMMIE: (*verallereerd*) Hoe koi'j daorbij! Dat he'k agil niet zegt!

MIEN: Daor komp het aans wal op dele.

LAMMIE: Dat maak ij er zölf van. Ik stao bij alles veerkaant achter mien zus.

MIEN: (*gemien*) Wal muilijk he as zie d'r niet is!

LUCAS: (*verbaosd*) Moe, hoe duur ij zuks te zeggen!

MIEN: *(verwijtend)* Ik duur alles te zeggen. Dat kan'k van je aans niet zeggen. Moe'j kieken hoe ai'j d'r bij staot. Net een Jan Doedel Kom, wij gaot hen hoes, wij hebt hier niks meer te zuken. *(grep Lucas bij arm)*

LAMMIE: *(verdrietig)* En gien haon die naor oes Rika kreit!

APPIE :*(döt haon nao)*

MIEN: *(blef staon)* Lucas, heur ij dat ok?

LUCAS: Jao, maor dat is oeze haon niet. *(Mien löp rond met Lammie achter zuk an)*

LAMMIE: *(grel)* Ij hadden hier toch niks meer te zuken! *(holt deur lös)*

MIEN: *(löp langs divan en slat deken op)* Ak het niet dacht Appie Klungel holt oes weer veur het lappie. Moe'j hum zien kreiend op de sofa net of er gien wark in de wereld bestiet! Non, zo'n luiwammes bij ok liever kwiet dan riek.

APPIE: Ik bin gien luiiehannes he zuster?

LAMMIE: *(troostend)* Niks van antrekken Appie! Vrouw Braam wet niet iens wat je mekeert. *(tot Mien)* Op het ogenblik bin'k je ok liever kwiet...

MIEN: *(tot Lucas)* Moe'j heuren wat dat wicht zeg.

LUCAS: *(gedwee)* Jao moe.

LAMMIE: Wij hebt op het ogenblik wal wat aans an de kop he Appie?

APPIE: *(overdreven)* Jao, aal mien harsens bint deur mekaander schud.

MIEN: *(körtotf)* Ach, die hebt bij je nog nooit op een rieg zeten.

LUCAS: *(veronschuldigend)* Mien moe is een beettie verallereerd moe'j maor reken! En dan wee'j smangs niet wai'j zegt.

LAMMIE: *(kwaod tot Lucas)* Ij doet net of je moe de ienigste is die verallereerd is! Ik schrök mij vanmörge kepot toen ik Appie vastbunden an een stoel achter de balie vun!

LUCAS: *(stomverbaosd tot Appie)* Wat? Zaten ij vastbunden an een stoel?

APPIE: *(knikt)* Zo, is dat.

LUCAS: *(tot Appie)* Dat liekt verdacht veul op een overval. Bij overvallen Appie?

APPIE: *(haolt scholders op)*

LAMMIE: *(bits)* Die arme stumper is zien geheugen kwiet. En ij overvalt oes ok nog met die lilleke haon van je.

MIEN: *(hellig tot Lammie)* Hoezo lilleke haon? Ij hebt oeze haon nog nooit zien!

LAMMIE: Huh, die verekte haon van je kan mij steulen wodden! *(paniekerig)* Ik mien... ij hebt gien poot um op te staon.. ik mien eh bewies dat Rika hum steulen hef!

MIEN: (*körtof*) Geleuf mij dat komp mettertied wal. Zie löp vanzölf tegen de laamp. 'k Wit het wal zeker.

LAMMIE: (*kordaot*) En ik wit zeker (*holt deur lös*) dat er nao een tied van kommen NON de tied van gaon is!

APPIE: Zo is dat.

MIEN: (*trekt Lucas an arm*) Kom, Lucas ik bin klaor met die brutaole sniggel. Wij zult de plietsie waorschouwen en die zuch het wieder maor oet.

LUCAS: (*stribbelt tegen*) Maorre....

MIEN: Niks gien gemaor.... anmaken. (*saomen af*)

LAMMIE: (*opgelocht*) Gelökkig daor bi'w van of!

APPIE: (*overdreven*) Van denne koi'j niet zo makkelk of.

LAMMIE: (*scholderophaolend*) Dat zu'w nog wal ies zien. Daor maak ik mij nog niet drok over. (*bezörgd*) Zu'j dat non wal doen Appie?

APPIE: (*stiet op*) Wat doen?

LAMMIE: Opstaon! Moe'j kieken ij staot nog te waggeln op de bienen. (*heufdschuddend*) Zo slap as een schötteldoek!

APPIE: Jao, eebm met de schötteldoek um de snoet en dan bin'k weer zo fris as een hoentie.

LAMMIE: (*pakt schötteldoek*) Jao, jao dat zal wal. (*veegt Appie um snoet*)

APPIE: (*genietend*) Oe, wat lekker fris!

LAMMIE: Zo genug?

APPIE: (*dreug*) Nee, gao maor wieder.

LAMMIE: Hoe wieder.

APPIE: Dat is makkelk genug. (*döt knopen lös van boezeroen*) Mien moetje zee, van boven naor under... of was het van under naor boven? (*twiefelt*) Ach, maakt feilijk ok niks oet.

LAMMIE: (*plaogend*) O, o wat bi'j ok een guut. Ij kunt mij nog meer vertellen Appie! Ij holt mij niet veur het lappie! (*stopt Appie schötteldoek toe*) En de rest laot ik an je over.

APPIE: (*eelsk*) Ach, wat spiet mij dat. Een... eh zuster wast toch joen hiele pokkel!

LAMMIE: (*met haanden in ziet*) Appie, hol op met die malligheid. Ij bint maans genug um zölf de haanden oet de mouwen te steken. (*kek in het rond*) O, heremientied ik wit haost niet waor of ik het eerst of lest moet beginnen!

APPIE: (*dreug*) Gewoon van veur naor achter!

LAMMIE: (*verbaosd*) En dan?

APPIE: (*al zingend*) Van links naor rechts. Van veur naor achter van links naor rechts.

LAMMIE: *(lacht)* Jao, jao op joen menier kom ik gien steek wieder. Dommies stiet freule Stoepievegen of Stoetewegen veur de deur en hebt wij de zaak niet veur mekaar. Kom Appie er is wark an de winkel.

APPIE: *(stek haanden in locht)* Zo is dat! En veul haanden maken toch licht wark?

LAMMIE: *(knikt)* Wis en waorachtig. En wij zet met zien beiden alles weer rap op stee. *(Appie zet zingend stoelen en taofel op stee. Lammie legt kliebties en zet bloempies op taofel en leest ien van de anmaonings)* Heremientied, wat mut Rika veul ontroerengood belasting betaolen! D'r is ok gien oetstel van betaoling meer En de riekening mut dizze week voldaan wodden. Diz.... dizze week? Maor dat is warkelijk... warkelijk onmeugelijk! *(eebm stilte)*

APPIE: *(dreug)* Alles is meugelijk.

LAMMIE: *(in gedachtten)* Wat.. eh... wat zee'n ij Appie?

APPIE: Ik zee.. dat er van alles meugelijk is!

LAMMIE: *(zucht)* Ij hebt makkelk praoten. Dan mut er al een wonder gebeuren.

APPIE: *(wies)* En alle wonder'n bint de wereld nog niet oet. Zo is dat.

LAMMIE: *(wiezend)* Appie, die schildereigies moet ok an de kaant. *(Appie pakt schildereigies en zet ze an de kaant. Lammie heufdschuddend)* Nee, niet an de kaant zetten maor an de kaant hangen! *(wiezend)* Kiek daor an die spiekers moet ze hangen.

APPIE: Zeg dat dan geliek. *(hangt schildereigies ondersteboven op)*

LAMMIE: *(zweit met stoflap)* O, o ai'j zo deur gaot kom ik met je nog op het ende.

APPIE: *(zingt)* Dat is het ei.. heinde dat döt de deur dicht.. *(Tinus op)*

LAMMIE: *(zachhies)* Het scheelt niet veul of dat lot hangt oes dommies ok boven de kop.

TINUS: Moi, volk! *(grapt tot Appie)* Appie, ik heb de deur achter mij dicht daon zoas ij net zungen. *(klopt Appie op scholder)* En keerl hoe is het met je? He'j de proef gusteravond goed deurstaon?

APPIE: *(krabt zuk op heufd)* Hoe zo'n eh proe. eef?

LAMMIE: *(verstiet verkeerd)* Wat hef Appie guster pruuft?

TINUS: *(lochtig)* Oh, Appie die hef eh... gusteravond veur het eerst in zien leven een berenburger pruuft. Zo was het he Appie?

APPIE: *(scholderophaolend)* O, dat kan best weden...

LAMMIE: *(tot Tinus)* O, het wod mij al dudelijk. Vandaor dat hie vandage zo in de biester is. *(Berend op en verstiet biesten)*


BEREND: Moi, volk. *(tot Tinus)* Of bi'j boeten je haon nog meer biesten kwiet?

TINUS: Niet da'k wit.

Als u het hele stuk wilt lezen dan kunt u via www.toneeluitgeverijvink.nl de tekst bestellen en toevoegen aan uw zichtzending.

Voor advies of vragen helpen wij u graag.

 info@toneeluitgeverijvink.nl

 072 5112407



“Samenspelen” is ons motto